

岭  
南  
遗  
书



南

漢

好

理

也

一

齊



月 錯 炎 三 十 孝 晉 二  
南 漢 伍 氏 開 離

南漢地理志

嶺南遺書

嘉應 吳蘭修 石華撰

興王府本廣州乾亨元年改為興王府

司馬光資治通鑑

領縣十

三

常康 咸寧乾亨元年析南海為常康咸寧二縣永豐

重合二場

樂史太平寰宇記云劉龔自云家本咸寧秦恥為蠻夷主永樂大

典引宋會要云劉氏割據嶺表建偽都於廣州乃分南海縣地為常康咸寧二縣以為京邑且就美名是也宋

會要又云開寶五年廢常康咸寧二縣依舊為南海與寰宇記王存元豐九域志李攸宋朝事實歐陽忞輿地

廣記合宋史地理志有常康而不及咸寧馬端臨文獻通考有咸寧而不及常康並誤

番禺

增城

四會

化蒙

宋志作蒙化誤

懷集

泮水

宋志宋朝事實輿地

廣記作游水九域志作游子並誤

東莞

清遠

浚滙

輿地廣記作浚滙吳任臣

十國春秋作  
洽涯並誤

新會 義寧

韶州領縣五

曲江 始興

蘭修按宋志宋朝事實輿地廣記宋開寶四年始興方隸南雄州寰宇記云乾和四

年割滇昌始興二縣置雄州誤也

樂昌 翁源 仁化

潮州

蘭修按潮州至宋末廢歐史職方考無潮州誤 領縣二

海陽 潮陽

禎州

蘭修按通考宋天禧四年以州名犯仁宗御名始改為惠州歐史職方考作惠州誤 本循州舊

理乾亨元年移循州於雷鄉縣於此置禎州仍割循州之

歸善博羅海豐河源四縣以屬之

寰宇記 蘭修按寰宇記於循州下又云劉鋹

割據偽號乾寧元年分歸善博羅河源海豐四縣為禎州劉鋹當作劉龔乾寧當作乾亨王象之輿地紀勝駁正是

也 領縣四

歸善 博羅 河源 海豐

循州

蘭修按循州至宋末廢歐史職方考無循州誤

乾亨元年移治雷鄉縣

輿地廣記

領縣二

龍川舊雷鄉縣乾亨六年改

寰宇記

興寧乾亨時移於

舊縣西六十里地名長樂

同上

蘭修按黃佐廣東通志廢齊昌府在興寧縣北五

里洪塘圩南漢劉鋹置使其子鎮之宋開寶四年廢為興寧考宋代地志諸書並無置齊昌府事今不從

端州領縣二

高要 平興

英州乾亨四年析興王府滇陽縣置

十國春秋 蘭修按太平寰宇記云乾和

五年置英州而通鑑乾和三年出王翺為英州刺史則非置於乾和五年明矣歐史職方考云劉龔置不著何年今

從十國 春秋 領縣一



滇陽

雄州本始興郡滇昌縣地乾和四年於此置雄州

寰宇記蘭修

按歐史職方考云劉龔置領縣一

滇昌

蘭修按輿地紀勝引圖經宋避仁宗嫌名始改滇昌為保昌通考南漢以保昌縣置雄州十國春秋

從之誤

敬州

蘭修按宋會要宋志通考避翼祖諱稱恭州非實改也輿地廣記開寶四年改為梅州熙寧六年始廢歐

史職方考無敬州誤

本潮州程鄉縣乾和三年升為敬州

寰宇記

領縣

程鄉

封州領縣二

蘭修按唐書地理志武德四年析封川置封興縣後省寰宇記宋志通考輿地廣記輿地

紀勝並云封州領封川開建二縣與唐志合今從之郝玉麟廣東通志乾亨初改封川為封興并省開建入之誤也

封川 開建

康州領縣四

端溪 晉康 悅城 都城

恩州領縣三

恩平 杜陵 陽江

瀧州領縣四

業以永寧安南二縣屬瀧州至德二載改安南為鎮南天寶元年改永寧為建水實領瀧水開陽鎮南建水四縣寰宇記瀧州原領縣四宋開寶六年廢省開陽鎮南建水三縣入瀧水屬康州與唐志合今從之舊唐書地理志分永寧建水為二縣輿地廣記宋朝事實十國春秋俱有安遂誤也

瀧水 開陽 鎮南 建水

通考作嶺南誤

勤州領縣二



銅陵 富林

新州領縣二

新興 永順

高州領縣三

電白 良德

保定

蘭修按通典舊唐志寰宇記宋朝事實通考作保定唐志九域志輿

地廣記輿地紀勝作保寧

潘州領縣三

茂名梁開平元年改為越裳縣

辭居正五代史

乾亨七年十月

復名

十國春秋 蘭修按王溥五代會要後唐同光元年十月改越裳縣復為茂明即乾亨七年也時地

屬南漢於後唐無涉十國春秋改正是也今從之茂明當作茂名聲近之誤

潘水

十國春秋作潘

川南巴

羅州領縣三

蘭修按唐志天寶元年改石城為廉江招義為幹水大厓八年以南河屬順州羅州實領

廉江吳川幹水零綠四縣寰宇記九域志宋朝事實輿地廣記輿地紀勝引宋會要並云開寶五年省廉江幹水零綠三縣入吳川屬辨州與唐志合然輿地廣記云南漢立常樂州兼置博電零綠鹽場三縣隸之諸書亦云開寶五年省常樂州以博電零綠鹽場三縣置石康縣屬廉州是南漢時有兩零綠縣也按寰宇記零綠縣在羅州西南一百二十里以零綠水為名方輿紀要羅州即今石城縣治常樂州在今合浦縣東北三十里是二州壤地相接南漢置常樂州時以羅州之零綠分隸耳非別置一零綠縣諸書兩見誤也今改正又寰宇記分石城廉江為二縣通考仍有石城招義南河三縣十國春秋從之並誤

廉江 吳川 幹水

辨州領縣二

蘭修按宋會要李燾長編宋志通考太平興

州復有化州誤也又按唐志乾封二年割羅辨入禺州大厓八年割龍化入順州辨州止領石龍陵羅二縣今從之寰宇記化州禺州俱有羅辨輿地廣記化州順州俱有龍化並誤

石龍 陵羅

春州領縣三

陽春

流南

蘭修按唐志武德四年置流南縣後省寰宇記云春州元領縣三陽春流南羅水開

寶六年廢流南羅水二縣入陽春輿地紀勝引宋會要同據此則南漢復置流南縣矣

羅水

雷州

十國春秋作常州誤

梁開平三年移治驚雷江源南漢復歸海

康

寰宇記四年遷白院村乾亨二年遷特侶塘

蘭修按黃佐廣東通志開平

領縣三

海康

遂溪

徐聞

邕州

蘭修按五代會要天福七年改邕州為誠州避廟諱漢初復

天福七年即漢光天元年邕州已屬南漢於晉無涉今不從

領縣七

宣化

武緣

晉興

朗寧

思龍

唐志寰宇記作思籠

如和

宋志作如化

封陵

輿地廣記作封陵

澄州

蘭修按輿地紀勝云圖經以為唐末廢澄州領縣四非是當從會要是也歐史職方考無澄州誤

蘭修按唐志澄州領縣四寰宇記宋開寶六年廢澄州併止戈賀水無虞入上林屬邕州與唐志合今從之十國春秋澄州止領

上林一縣誤

上林

無虞

止戈

賀水

貴州

蘭修按貴州至宋末廢歐史職方考無貴州誤領縣四

鬱平

蘭修按唐志貴州下作鬱林縣於鬱林州下作鬱平縣與通典不合王象之駁正是也說見鬱林州

下

懷澤

義山

潮水

巒州

蘭修按宋朝事實輿地紀勝宋開寶五年始廢巒州入橫州歐史職方考無巒州誤李吉甫元和郡縣志

作巒州亦誤

領縣三

永定

十國春秋作永令誤

武羅

靈竹

十國春秋作靈川誤靈川屬桂州

橫州領縣三



寧浦

從化

蘭修按唐志從化本名淳風永貞元年改  
寰宇記云犯憲宗廟諱也輿地紀勝云開

寶五年併樂山從化二縣入寧浦與唐  
志合通考作淳風十國春秋從之誤也

樂山

賓州領縣三

嶺方

元和志宋志  
通考作領方

瑯琊

保城

宋志作石城輿地  
紀勝作寶城並誤

潯州領縣二

桂平

十國春秋  
作平桂誤

皇化

蘭修按通典通考作宣化舊唐  
志云貞觀七年置潯州領桂平

皇化等縣又云宣化漢阿林縣屬鬱林郡隋置皇化縣  
後廢貞觀六年復置云云據此則宣字乃傳寫之譌耳

唐志元和志宋志寰宇記九域志輿地紀勝皆  
作皇化十國春秋作宣化誤也宣化屬邕州

容州領縣六

蘭修按唐志容州領縣六宋志寰宇記九域  
志輿地廣記輿地紀勝引郡邑圖志並云開

寶五年廢容州之欣道渭龍陵城仍領普寧陸川北流三  
縣與唐志合今從之十國春秋領縣四無陸川欣道誤

普寧

北流

陵城

渭龍

欣道

陸川

牢州 蘭修按宋朝事實輿地廣記輿地紀勝引宋會要開寶七年始廢牢州入鬱林州歐史職方考無牢州誤

領縣三

定川

南流

宕川

通典新舊唐志九域志宋志宋朝事實輿地紀勝通考俱作宕川是

也寰宇記作巖川輿地廣記作安川十國春秋作宕川並誤

白州領縣四

博白

建寧

周羅

南昌

欽州領縣五

欽江

保京

蘭修按新舊唐志至德三載改安京為保京宋志云宋初復為安京是也輿地廣記

謂唐改安京今不從

內亭

遵化

靈山

蘭修按舊唐志作靈川誤也靈川屬桂州

廉州領縣四

合浦大寶初析置媚川都

輿地紀勝

封山

蔡龍

大廉



常樂州本合浦縣地南漢立常樂州十國春秋云兼置博

電鹽場二縣輿地廣記蘭修按輿地廣記原作置博割

羅州零綠縣隸之領縣三

博電本合浦地與鹽場同置 鹽場 零綠

黨州領縣四蘭修按唐志黨州領撫安善勞善文寧仁四

二年平琴州廢皆屬黨州無省某縣明文輿地廣記云唐

廢平琴州入黨州後又省善文寧仁福陽古符四縣據此

可補唐志之闕又云宋開寶七年廢黨州省撫安善勞容

山懷義入南流縣屬鬱林州與寰宇記九域志宋志宋朝

事實輿地紀勝同今從之歐史職方考無黨州通考黨

州領善勞撫安善文寧仁四縣十國春秋從之並誤

撫安 善勞 容山 懷義

繡州蘭修按宋志輿地紀勝引宋會要開寶五年始廢繡

考無繡 領縣三

常林

十國春秋作常州誤

阿林

羅繡

鬱林州領縣三

蘭修按唐志建中二年省鬱林州之石南入興業仍領鬱平興業與德潭栗四縣十

國春秋有石南誤也又按潭栗縣新舊唐志俱不注沿革通考云唐鬱林州領縣五後廢石南潭栗則潭栗在唐末

已省故寰宇記九域志宋志宋朝事實輿地廣記輿地紀勝並云開寶五年省鬱平興德二縣入興業而不及潭栗

也今從之十國春秋有潭栗亦誤

鬱林

輿地紀勝鬱林州鬱林縣下云本漢廣鬱縣地沈約宋志及元和郡縣志並云吳改廣鬱為陰平縣

晉改為鬱平縣歷代因之然晉宋以下諸志止有鬱平而無陰平是改廣鬱為鬱平也元和郡縣志又云隋開

皇十年於此置鬱林縣是鬱林縣始置於隋也故隋志於鬱林郡下始並列鬱林鬱平二縣通典云大唐於鬱

林懷澤潮水義山四縣置貴州是鬱平縣隸貴州也又云大唐以石南鬱林等五縣置鬱林州是鬱林縣隸鬱

林州也國朝會要云開寶四年廢鬱林州鬱林縣興業縣又云開寶四年改貴州鬱平縣為鬱林縣則是開寶

四年既廢鬱林州之鬱林縣故移鬱林縣之名冠之於鬱平縣耳由是言之在漢則為廣鬱在晉則為鬱平在

隋始分建鬱林縣與鬱平並置唐始以鬱平縣隸貴州以鬱林縣分屬鬱林州故二縣之名隸於二州至國朝開寶平嶺南廢鬱林州之鬱林縣入廣業縣而改貴州之鬱平縣為鬱林縣而二縣之名始合為一新唐書志却以鬱平縣隸鬱林州而以鬱林縣隸貴州與通典殊不相應蓋杜佑唐人也紀唐之縣名必不差謬而新唐書以本朝更易之縣名而定唐人之縣名始不得其實矣不可以不辨蘭修按王象之此論甚晰故備載之

興業 興德

藤州領縣四

鐔津 感義 義昌 寧風

竇州領縣四

信義 懷德 潭峩 特亮 蘭修按寰宇記云縣有特亮山在河洞水北昔有白

牛夜出光影照林村人以牛光影為特亮故名舊唐志作特亮宋朝事實輿地廣記俱作亮縣十國春秋作時

亮並 誤

義州 蘭修按九域志長編宋開寶四年始改義州為南義州歐史職方考無義州誤也 領縣三

岑溪 永業 連城

禹州領縣三 蘭修按唐志大厯八年以溫水屬順州唐末以陸川屬容州寰宇記禹州有溫水十國春秋有陸川而無羅辨並誤又唐志禹州領峩石羅辨扶萊

峩石羅辨並誤又唐志禹州領峩石羅辨扶萊

後省不應復有峩石縣九域志宋志輿地廣記輿地紀勝

引宋會要並云開寶五年廢禹州省峩石扶萊羅辨入北

流縣不及峩石今從之

歐史職方考無禹州誤

十國春秋

峩石 羅辨 扶萊 蘭修按唐志扶萊縣武德四年置以扶萊水得名通典舊唐志通考

十國春秋 作扶桑誤

順州領縣四 蘭修按唐志大厯八年容管經畧使王翊析辨州龍化禹州溫水羅州南河白州龍豪置

順州九域志宋志輿地廣記通考並云開寶五年廢順州

省龍豪溫水龍化南河入陸川屬容州與唐志合今從之

寰宇記順州止領龍豪南河二

縣歐史職方考無順州並誤



龍化 温水 南河 龍豪

瓊州元領縣五南漢省曾口顏羅二縣輿地廣記通考同

蘭修按寰宇記輿地廣記通考並云顏羅唐時省今不從又按寰宇記輿地廣記通考並云唐貞元七年省容瓊縣十國春秋仍有容瓊縣誤

縣三

瓊山 臨高 樂會

崖州領縣三蘭修按唐志貞觀五年割崖州臨高入瓊州

通考十國春秋仍有臨高誤也又按舊唐志崖州有舍城縣宋志宋朝事實通考並云開寶五年廢崖州以舍城澄邁文昌入瓊州與舊唐志合今從之新唐志

謂舍城開元後省亦誤

舍城 澄邁 文昌

儋州元領縣五南漢省富羅縣輿地廣記通考同領縣四

義倫 昌化 感恩 洛場新舊唐志輿地紀勝皆作洛場寰宇記輿地廣記通

考十國春秋  
作洛陽誤

萬安州元領縣四南漢省富雲博遼二縣

輿地廣記通考  
同 蘭修按寰

宇記云唐末  
省今不從 領縣二

萬安

陵水

十國春秋  
作陸水誤

振州元領縣五南漢省延德臨川落屯三縣

宋朝事實輿  
地廣記通考

同 蘭修按寰宇記仍領縣五誤又按長編開寶五年六  
月徙崖州於振州遂廢振州歐史職方考無振州亦誤

領縣二

寧遠

吉陽

思唐州領縣二

蘭修按唐志永隆二年析龔蒙象三州置  
思唐州領縣二九域志輿地廣記並云宋

開寶五年改州曰思明六年州廢省思和入武郎屬龔州  
歐史職方考無思唐州十國春秋思唐州無縣並誤又按

輿地廣記通考天福初改州曰思化漢初復天福元  
年即漢大有九年時地屬南漢於晉無涉今不從



武郎

思和

蘭修按本平原唐長慶二年改寰宇記九域志仍作平原誤

融州五代屬楚乾和九年歸南漢領縣二

融水 武陽

郴州晉天福初避諱改為敦州

輿地紀勝引寰宇記蘭修按今本寰宇記闕

廢

臨武平陽

蘭修按通考誤作高平今改正

二縣入桂陽監又廢資興縣漢

復為郴州

通考乾和九年歸南漢領縣五

郴晉天福初改為敦化漢初復

寰宇記

義章

高亭

通考

十國春秋作南亭誤

郴義本義昌後唐同光中避諱改

輿地廣記

藍山

桂陽監唐元和時置晉廢平陽臨武二縣地入之

連州五代屬楚乾和九年歸南漢領縣三

桂陽 陽山 連山

昭州五代屬楚乾和六年歸南漢領縣三

平樂 恭城 永平

宣州五代屬楚乾和九年歸南漢省崖山東墾二縣通領考

縣二

龍水 天河

桂州五代屬楚乾和九年歸南漢領縣十一

臨桂 理定 靈川 陽朔 荔浦 永寧本豐水梁

時改 修仁 慕化本純化唐永貞元年改為慕化避

憲宗廟諱梁開平元年改為歸化後唐同光初復為慕

化寰宇記 蘭修按新舊唐志俱作恭化元和志寰宇記九域志宋志宋朝事實輿地廣記輿地紀勝並作

慕化據輿地紀勝引唐志原作慕化今本唐志古縣下注亦作慕化可證恭字乃傳刻之譌也通考云唐恭化縣後唐改慕化誤又按梁敬祖諱茂琳慕茂聲近故改歸化當時避諱之體如此五代會要謂梁改純化為歸化同光中復為純化十國春秋從之誤

永福古義寧本靈川縣歸

義鄉晉開運元年置義寧縣

輿地紀勝引皇朝志修按時有兩義寧縣一屬

廣州唐開元二十三年岡州再廢以新會義寧復隸廣州是也一屬桂州晉開運元年馬氏所立是也九域志於廣州義寧云開寶五年廢入新會六年復置於桂州義寧云開寶五年廢入廣州新會六年復置宋志輿地紀勝引宋會要並同按桂州義寧與廣州新會相去千有餘里合而為一其誤甚矣十國春秋桂州無義寧縣亦誤

溇州晉開運三年二月楚馬希範請以桂州全義立溇州

五代史乾和九年歸南漢領縣一蘭修按九域志溇州領縣

縣隸桂州與薛史合是也歐史職方考無溇州誤又按五代會要云開運三年升桂州全義縣為溇州改存義為德

昌縣并割桂州臨川廣明義寧三縣隸之按桂州臨川當  
作靈川寰宇記九域志宋志輿地廣記輿地紀勝通考諸  
書無廣明縣亦無靈川義寧屬溇州之說會要誤也  
十國春秋云割桂州廣明義寧二縣隸溇州亦誤

全義本屬桂州晉開運三年立溇州改為德昌縣後復

名輿地  
廣記

賀州五代屬楚乾和六年歸南漢領縣六

臨賀 桂嶺 馮乘 封陽 富川 蕩山

梧州五代屬楚乾和九年歸南漢領縣三

蘭修按唐志光化三年馬殷表

以戎城孟陵屬桂州而九域志宋朝事實輿地廣記輿地紀勝並云宋開寶五年省梧州之戎城孟陵入蒼梧殆南漢復以二縣歸梧州與

蒼梧 十國春秋 戎城 孟陵  
作蒼州誤

蒙州五代屬楚乾和九年歸南漢領縣三



立山 東區

宋志作連區誤

正義

嚴州五代屬楚乾和九年歸南漢領縣三

蘭修按新舊唐志領來賓歸化

循德三縣通考宋開寶七年廢嚴州以修德歸化屬來賓隸象州與新舊唐志合今從之寰宇記九域志宋志宋朝事實輿地廣記輿地紀勝皆不及循德誤

來賓

循德

通考作修德

歸化

富州梁開平二年入楚乾和九年歸南漢領縣三

龍平

思勤

馬江

柳州五代屬楚乾和九年歸南漢領縣五

蘭修按唐志柳州領馬平龍城

象洛曹洛容五縣九域志宋志輿地廣記嘉祐四年始省象縣入洛容宋朝事實輿地紀勝引宋會要淳化元年始以洛曹屬容州十國春秋柳州止領縣三無象洛曹二縣誤

馬平

龍城

蘭修按宋朝事實輿地紀勝宋景德三年始改龍城為柳城十國春秋作柳城誤

象 洛曹

蘭修按唐志云本洛封元和十三年更名洛曹通考仍作洛封誤也諸書作洛曹今

從 洛容

龔州梁開平二年入楚乾和九年歸南漢領縣五

蘭修按新舊唐

志寧風屬藤州通典通考龔州有寧風十國春秋藤州龔州皆有寧風並誤輿地紀勝引宋會要紹興七年始廢龔州屬潯州歐史職方考無龔州亦誤

平南

武林

宋志宋朝事實輿地廣記作武陵誤

隋建

大同

陽川

象州五代入楚乾和九年歸南漢領縣三

陽壽

武仙

武化

蘭修按輿地紀勝引宋會要云開寶七年省武化縣隸來賓景祐元

年復又引廣西郡邑志云熙寧四年省武化入陽壽宋志熙寧七年廢武化入來賓諸說不同然為宋代始省可知輿地廣記謂武化五代時省十國春秋從之誤

蘭修又按十國春秋南漢有思州領務川寧彛思印思王四縣考思州唐屬黔中道後入於番宋徽宗時番長



內附復置思州卽今貴州思南府地與南漢絕不相涉  
茲刪正又交州雖已內附羈縻而已不能實有其地也  
併刪之右志共州六十二縣二百一十四縣數與長  
編宋史本紀及地理志合惟彼云六十州不相附耳

右南漢地理志一卷 國朝嘉應吳蘭修石華撰按自註

云共州六十二縣二百十四縣數與長編宋史本紀及地理志合惟彼云六十州不相附耳考南漢高祖之興至後主之敗凡五十五年中宗乾和九年始盡有嶺南之地大有十二年尙書左僕射黃損稱陛下之國東抵閩越西逮荆楚北阻彭蠡之波南負滄溟之險蓋舉五嶺而有之用武之國也亦鋪張揚厲之詞耳高祖亦嘗云吾子孫不肖後世如鼠入牛角勢當漸小爾而郡縣併析幾於月異而歲不同且於境內置五嶽呼唐天子爲洛州刺史三城之地半爲離宮苑囿民之得以棲止者無多地也長編云後主至公安邸吏龐師進迎謁學士黃德昭侍後主後因問

師進何人德昭曰本國人也後主曰何爲在此德昭曰高  
皇帝居藩日歲貢大朝輜重皆歷荊州乃令師進置邸於  
此造車乘以給餽運耳後主嘆曰我在位十四年未嘗聞  
此言今日始知祖宗山河及大朝境土也黃通志陸光圖  
列傳註光圖有故吏龐姓者嘗奏事見銀銀識之銀降宋  
過騎田嶺龐來迎銀驚曰爾亦在此耶對曰大王之國邊  
境至此而極非有萬里之遠也銀初以郴爲極邊必在窮  
荒之北故使光圖居之爾宋謝翱作邸吏見故主曲嗟乎  
僞劉之淫侈昏庸至此獲保此疆宇至五十五年而後亡  
者幸也道光庚戌未伏後南海伍崇曜謹跋

南漢金

石卷二

卷



月 道 炎 三 十 孝 昔 二  
南 漢 伍 氏 開 離

南漢金石志目錄

卷一

石版文 唐龍紀元年

廣州石識 南漢乾亨元年

古劍文 大有元年

康陵碑 光天元年

尊勝經石幢 乾和三年

白石秀林記 乾和三年

碧落洞天雲華御室記 乾和七年

瓊州乾亨寺鐘銘 乾和九年

東禪院銅鐘款 乾和九年

南漢金石志目錄  
長慶禪院銅鐘款 乾和十五年

感報寺銅鐘款 乾和十六年

雲門山匡真大師塔銘 大寶元年

寶林禪院銅鐘款 大寶二年

宴石山記 大寶二年

拓路記 大寶三年

修慧院鐘款 大寶三年

乾亨寺銅鐘款 大寶四年

昭州光孝寺銅佛識 大寶四年

卷二

鎮象塔記 大寶五年

西鐵塔記

大寶六年

長壽寺銅鐘款

大寶七年

匡聖宏明大師碑銘

大寶七年

東鐵塔記

大寶十年

懿陵碑

以下年代無考

天華宮石刻

瑞象記

碧虛觀碑

韜真觀碑



神功賜額

神功賜額

神功賜額

天華宮外殿

神功賜額

東嶽祭壇

國聖法興大願禱

神功賜額

南漢金石志卷一

嶺南遺書

嘉應 吳蘭修 石華撰

石版文 佚

胡賓王劉氏興亡錄高祖巖皇考葬段氏得石版有篆

文曰隱台巖因名其三子 司馬光通鑑考異

蘭修按歐陽修五代史南漢世家劉龔謙庶子也母

段氏生龔於外舍謙妻韋氏素妒聞之怒拔劍而出

命持龔至將殺之及見而悸劍輒墮地良久曰此非

常兒也後三日卒殺段氏養龔為己子考龔卒於大

有十五年壬寅 晉天福七年 年五十四由是推之當生於

唐昭宗龍紀元年己酉即葬段氏之年也南漢金石

以是託始云

廣州石識

佚

人人有一山山值牛兔絲吞骨蓋海承劉

宋史南漢世家

廣南劉龔初開國營構宮室得石識有古篆十六字其

文云云解者曰人人有一大人也山山出也值牛者龔

建漢國歲在丑也兔絲者晟龔位歲在卯也吞骨者殺

諸弟也越人以天水為趙蓋海指皇朝國姓也承劉者

受劉氏降也

吳處厚青箱雜記

古劍文

佚

丁與水同宮王將耳口同尹來居口上山岫護重重

陳榑羅浮

山志

後唐天成中僞漢欽州羅浮山民掘得古劍有篆文曰  
己與水同宮王將耳口同尹來居水上山岫護重重以  
獻僞主劉陟國人莫之辨及平廣南競傳其言知者云  
太宗以己亥年降誕是己水同宮也於文耳口王爲聖  
尹口爲君重山爲出蓋己亥年聖君出也

馬端臨文  
獻通考

欽州羅浮山本名安京以形似惠州羅浮故改陳槿羅  
浮山志作丁與水同宮蓋太祖丁亥年生長太宗十二  
歲平嶺南乃太祖之世故以丁亥聖君出言非己亥明  
矣太宗繼體之君安得以出言乎槿所志山乃惠州羅

浮也

黃佐嘉靖  
廣東通志

康陵碑

佚



翰林學士知制誥正議大夫尙書右丞賜紫金魚袋臣盧  
應奉勅撰

維大有十五年歲次壬寅四月甲寅朔廿四日丁丑高祖  
天皇大帝崩於正寢越光天元年五月癸未朔十四日丙

申遷神於康陵禮也

朱彝尊曝  
書亭集

崇禎丙子秋廣州城東二十里北亭洲田間有雷出地  
奮而成穴耕者梁某投以石空空有聲內一雄雞其中  
逾夜雞鳴無恙乃發之有金人如翁仲者數枚各重十  
五六觔有二金像冕而坐者笄翟如后妃者各重五六  
十觔地皆金蠶珠貝笏有鏡一光燭穴中寶硯一硯池  
中有玉魚能游泳他異物不可指識者甚眾梁攜歸光

動四鄰鄰人覺而爭往遂白之官有司親臨發之隧道如城高五尺餘深三丈中有碑乃偽漢劉龔冢也文曰維大有十五年歲次壬寅四月甲寅朔廿四日丁丑高祖天皇大帝崩於正寢越光天五年五月癸未朔十四日丙申遷神於康陵禮也文多闕不盡載翰林學士知制誥正議大夫尚書右丞賜紫金魚袋臣盧應初撰并書按光天乃龔子玠年號玠立僅二年爲弟晟所弑卽改光天二年爲應乾元年無光天五年又考十國春秋僞漢諸臣列傳止有盧膺仕龔爲工部侍郎晟時拜中書侍郎同平章事無應初名也

王士正皇華紀聞

竹垞記劉龔冢碑事與王文簡皇華紀聞所載頗有錯

互余抵粵訪諸官吏與土人問其所謂北亭者在番禺城東二十里許而劉龔之冢與碑則竟無知者蓋二先生亦皆非得自親睹所以傳寫或有訛失即如竹垞所記係光天元年而文簡則疑光天無五年而所據載者乃作五年廣語亦作元年又盧應下文簡所記是初字廣語所記是勅字俱無奉字而竹垞所記則多一奉字安知初字非即勅字之誤乎竹垞稱陳元孝語予云云則是竹垞既得自口傳而元孝復出自記憶無怪乎傳聞異詞矣

翁方綱粵東金石畧

蘭修按曝書亭集結銜稱尚書右丞上紫金袋廣語作尚書右丞相紫金袋茲據皇華紀聞改正餘見南

漢紀二考異

尊勝經石幢 存

口漢乾和三年太歲乙巳三月六日壬寅口亡考陳十八

郎敬贖造口口加口佛頂尊勝陀羅尼幢一座追薦幽途

口口物口并乞自身清吉口口口長於羅浮口口口禪院

供養設齋慶讚訖 拓本 經文不錄

石幢在博羅羅浮山寶積寺門外 新修廣東通志 阮雲臺師相撰

以下所引但稱廣東通志

蘭修按右記三行口漢至寅口為一行亡考至物口

為一行并乞至讚訖為一行此據拓本較通志多數

字通志作三月八日丙寅考通鑑目錄乾和三年即



晉開運二年三月為丁酉朔則八日非丙寅當作六日壬寅今改正幽途下一字左半从古第二字右半从吳尚可省識通志審為胡悞二字今從闕薦作薦見漢魯峻石壁畫象按薦省作獬廌字聲義俱別失六書段借之旨易豫卦釋文正之是也慶讚記金石或作訖此幢正作訖字

白石秀林記

佚

乾和三年歲次乙酉奉勅鐫石玉皇儀象侍衛九軀并修

金籙齋慶讚記臣吳可一撰

王象之輿地紀勝

蘭修按右見輿地紀勝潯州下題云南海乾和白石秀林之記又云白石山在州南六十里下有巖峒即

白石洞天內有清真觀壽聖寺洞門自下入透容州  
句漏洞天世傳葛仙翁煉丹往來其間云云案曹學  
佺廣西名勝志白石山在今桂平縣南六十里南海  
當作南漢乙酉當作乙巳齋上當有設字傳寫脫誤  
也

碧落洞天雲華御室記

佚

大漢享國之三十有三祀龍集己酉季冬冀開十四葉上  
以萬機有暇四海無波時屬祈寒節當冬狩九卿扈駕百  
司隨鑾口巡英州舍於閬石翼日排仙仗整翠華羽衛星  
羅旗幢雲布嶽靈警蹕風伯清塵上衣龍章絳袍曳鳳文  
翠綬佩流黃鏤金之劔御飛靈凌崖之輿幸茲盤龍石室

者也伏惟大聖文武元德大明至道大廣孝皇帝陛下聖  
惟天縱功格帝堯味道探元奉真元之化端拱垂袞返淳  
朴之風百度惟貞九圍承式因訪清虛之景爰追汗漫之  
遊斯山之勝槩也得非元化興機巨靈運智丹臺璿室真  
爲上帝之居乳竇芝房宛是長生之境白犬吠而壺天晝  
永幽禽語而洞壑雲深神草含華元泉瀉瑞於是拂石牀  
而設御停玉輦以凝旒遂感龜鶴呈祥河宗效器俄頃有  
一道流衣短褐斂容而至自稱野人本無姓名云昔時葛  
先生於此石室煉丹砂藥成息烝躡雲而舉令野人且伏  
火延神祕丹於靈府并云後五百載當有真人降此子宜  
以其還丹呈獻昨畧算之起重光單闕之歲迄屠維作噩

之年將四百九十祀果合金德主來幸驗真君之言明矣

野人因匍匐而來上喜聞所陳問德者靈丹何在野人曰

咫尺耳遂捫蘿於峭壁中取出一小石函函上有金書古

篆題九蛻輿地紀勝作光之丹四字內有神丹七粒大如黍粟光

影輿地紀勝作彩射人僊者開函取丹躬自持獻野人遽旋踵隱

入石縫間罔知厥止時有近臣奏曰聖上德契元微感茲

靈異尙以兆民係念四海爲心雖獲還丹未宜輕服上然

所奏遂屏左右迺召從臣吳懷恩捧丹隨御於石室深邃

處鑿石祕之眾莫知矣擇日亟命道眾設壇場陳齋醮以

申告謝靈貺由是龍顏開豁圓蓋舒情緩撫瑤琴弄流泉

之激越親灑宸翰奮睿思之縱橫奏九成之簫韶烟霞縹



南漢金石志卷一  
六  
緲感百獸之率舞洞府喧闐羣后子來皆朝於禹會眾僊  
萃至競祝於堯齡微臣榮列紫垣獲隨鑾輅紀僊靈祕奧  
之事媿乏好辭頌聖朝煥赫之功慚無麗藻拜承綸旨伏

積鏡惶時乾和七載記

廣東文選

偽漢劉氏盤龍御室記乾和七年己酉歲中書舍人鍾  
允章誤劉氏來遊有道人稱野人云昔葛先生煉丹於  
此丹成輕舉俾予掌丹候五百歲有來者獻之今四百  
九十九祀乃捫蘿於峭壁中出一小石函上有金書古  
篆九光之丹四字中有丹七粒如黍粟大光彩射人既

獻丹復入石壁縫間

輿地紀勝

碧落洞在英州南十五里懸石如霓旌羽蓋狀傍有小

洞號雲華洞深不可窮

同上

蘭修按碧落洞在今英德縣南十五里石刻久佚四

百九十祀紀勝作四百九十九祀據文稱起重光單

闕之歲迄屠維作噩之年爾雅太歲在辛曰重光在卯曰單闕在己曰屠維在

酉曰作噩由辛卯推至己酉則四百九十九祀是也

瓊州乾亨寺鐘銘

佚

乾亨寺鐘在開元寺有南漢乾和九年鐘銘

輿地紀勝

開元寺即古乾亨寺也在瓊山縣南橋內

曹學佺廣東名勝志

東禪院銅鐘款

佚

古銅鐘在崇善縣上刻大漢乾和四年辛亥鑄於東禪

院

金鉞廣西通志

長慶禪院銅鐘款 存

漢乾和十五年歲次丁巳十一月一日癸未朔二十日壬

寅雲母山長慶禪院沙門神坦普勸眾緣鑄造洪鐘一口

重八百斤上資國祚普及四恩下濟三有永充供養 拓本

鐘在增城萬壽寺舊志萬壽寺在縣南鳳凰山之東此

鐘款云雲母山長慶禪院地志無此寺名雲母山即雲

母嶺在城西二十里今鐘在萬壽寺不知移自何時矣

款既書朔又書一日俗僧所為不足論也 廣東通志

蘭修按右長慶禪院鐘款濟作濟考北魏齊郡王祐

造像記廣濟為功正作濟與北齊雋修羅碑作濟者

同一偽體也

感報寺銅鐘款

未見

維大漢乾和十六年太歲戊午閏六月庚辰朔十六日己未弟子萬華宮使桂州管內招討使特進行內侍上柱國吳懷恩鑄造鴻鐘一口重五百斤置於梧州雲蓋山感報寺永充供養上資當今皇帝龍圖永固聖壽萬春謹記

謝啓

昆廣西金石畧

右鐘在蒼梧縣光孝寺高三尺口徑一尺七寸案十國春秋吳懷恩番禺人內常侍中宗卽位進開府儀同三司乾和中爲西北面招討使此鐘所載懷恩銜十國春秋皆不之及又乾和十六年爲周世宗顯德五年考薛史及通鑑是年閏七月此云閏六月是南漢不奉正朔



之證

同上

蘭修按以庚辰朔推之十六日當作乙未殆拓本殘缺視之未審也

雲門山匡真大師塔銘

佚

匡真大師塔銘 御書院給事郎雷嶽撰

詳夫水月定形覺浮生之可幻火蓮發豔知覺性之宜修故妙果圓明寂爾而不生不滅真如常住湛然而無去無來祛其華則是色皆空存其實則眾魔咸折亦由山藏白玉泥塗不能汙其珍沼出青蓮塵垢不能染其質者也故匡真大師業傳西裔性達南宗戒珠朗而慧日融光覺海揚而慈霖普潤示非法無法之說若電翻輝應真空不空

之談如鐘逐扣以心惟清淨道本慈悲常挑智慧之燈洞  
照昏衢之路將使化周有截終期證後無爲故我釋迦如  
來厭綺羅絲竹之音痛生老病死之苦踰金城而學道依  
檀寺而修真六載成功萬法俱熟爲四十九年慈父演八  
萬四千法門現百億化身遍娑婆世界說多多緣起開種  
種導門誓化迷淪令超正覺於時求法寶者是諸沙數得  
道果者於意云何小則證須陀洹斯陀舍大則超阿羅漢  
辟支佛卷舒自在蓮花中藏十二音聲變現無窮芥子內  
納三千國土爾後化緣將卒示滅雙林卽以法衣傳於迦  
葉葉傳阿難難傳商和邴修修傳優波毘多如此展轉相  
傳俾令常住世不滅矣洎至曹侯溪大圓滿至眞起覺大

師是為第三十三世祖若祇認達磨禪師傳衣法至於曹  
 溪則中華推為第六祖焉故西來智藥三藏駐錫曹溪云  
 一百七十年後當有無上法寶肉身菩薩於曹溪興化學  
 道者如林故號曹溪為寶林自祖師成等正覺後現一百  
 六十九口志作員生身菩薩遍在諸方行化爾後得道莫知  
 其數皆曹溪之裔也故匡真大師嗣於一葉焉師諱文偃  
 姓張氏晉王岡東曹參軍翰十三代孫也翰知世將泯見  
 機休緣徙於江淞故胤及我祖生於蘇州嘉興縣師幼慕  
 出塵乃棲於嘉興空王寺志澄律師下為童凡諸經無煩  
 再闕及長落髮具足於常州壇後侍澄公講數年領家數  
 分指歸乃辭澄謁睦州道蹤禪師則黃蘗之派也一室常

閉四壁唯空或復接人無容佇思師卷舒得志徑往扣門  
禪師問誰師曰文偃師關門云頻頻來作什麼師云學人  
已事不明禪師曰秦時轆轤鑽以手推出閉門師因是發  
明又經數載禪師以心機祕密關鑰彌堅知師終爲法海  
要津定作禪天朗月因語師云吾非汝師莫住師遂入閩  
纔登象骨直奮鵬程因造雪峯會三禮欲施雪峯乃云何  
得到詰麼師不移絲髮重印全機雖等截流還同戴角由  
是學徒千餘凡聖莫審師昏旭參問寒燠屢遷摳衣惟切  
於虛心得果冥輸於實腹因有僧問雪峯云如何是觸目  
不見道運足焉知路雪峯云蒼天僧不明問師師曰三斤  
麻一匹布僧後問於峯峯云嘻我常疑箇布衲師於會裏



密契元機因是出會遍謁諸山尊宿頗有言句世所聞知  
後雪峯遷化學徒乃問峯佛法付誰峯云遇松偃處住學  
徒莫識其機偃者蓋師名也至今雪峯遺誠不立尊宿辛  
未禮於曹溪旋謁靈樹故知聖大師以心機相露膠漆契  
情歲在丁丑知聖大師一日召師及學徒曰吾若滅後必  
遇無上人爲吾茶毘至戊寅高祖天皇大帝巡狩韶石幸  
於靈樹知聖遷化果契前約敕爲契之獲舍利塑形於方  
丈於時詔師人見特恩賜紫次敕師於本州廳開堂師於  
是踞知聖筵說雪峯法實謂禪河涵湧佛日輝華道俗數  
千問答應響郡守何公希範禮足曰弟子請益師曰目前  
無異草有人問如何是本來心師云舉起分明別有言句

錄行於世爾後大師心唯恬默奏乞移菴奉敕俞允癸未  
領學志開雲門山五載功成四周雲合殿宇之簷楹翼翥  
房廊之高下鱗差邃壑幽泉挫暑月而寒生戶牖喬松修  
竹冒香風而韻禩宮商近於三十來秋不減半千之眾歲  
納他方之供日豐香積之廚有殊舍衛之城何異靈山之  
會院主師傳大德表奏造院畢功敕賜光泰禪院額及朱  
記至戊戌歲高祖天皇大帝詔師入闕帝問如何是禪師  
云聖人有問臣僧有對帝曰作麼生對師云請陛下鑒臣  
前語帝悅云知師孤戒朕早欽敬宣下授師左右街僧錄  
師默而不對復宣下左右曰此師修行已知蹊徑應不樂  
榮祿乃詔曰放師歸山可乎師欣然山呼萬歲翌日賜內

帑香藥施利鹽貨等迴山并加號曰匡真厥後每年頻降  
頒宣繁不盡記恭惟我當今大聖文武元德大明至道大  
廣孝皇帝歲在單闕運聖謨而手平內難奮神武而力建  
中興恩極八紘道宏三教乃詔師入內經月供養賜六銖  
衣一襲香藥施利等而迴并御製塔額預賜爲寶光之塔  
瑞雲之院師自從示眾卓爾宗風凡在應機實當奇特常  
一時見眾集久乃云汝若不會三十年莫道不見老僧時  
有三僧一時出來禮足師云三人一狀有問禪者則云正  
好辨有問道者則云透出一宗有問祖師意者則云日裏  
看山有纜跨門者則以杖打之有時示眾云直下無事早  
是埋沒也迷緣不已豈是徒然畧舉大綱將裨往代師以

法無定相學無准常每修一口口

志作用

二口口

志作

師一坐道場三十餘載求法寶者雲來四表得心印者葉散諸山則知覺路程開雙林果滿諸漏已盡萬法皆空雖假臥譚未少妨於參問終云虛幻乃示寂以韜光侍者奉湯師付盃子曰第一是吾著便第二是汝著便記取修表祝別皇王乃自札遺誠曰吾滅後汝等弗可效俗教著孝服哭泣喪車之禮則違佛制有素禪宗也付法於白雲山實性大師志庠師會下已匡徒眾已酉歲四月十日子時師順世嗚呼慈舟壞兮輪迴失渡法山摧兮飛走何依緇倫感薤露之悲檀信動式微之詠宋雲遇處但攜隻履以無還慈氏來時應召三峯而再出月二十有五諸山尊宿



具威儀道俗千數送師於浮圖靈容如昔依師訓塔於當  
山方丈內法齡七紀二僧臘六旬六於日行雲斂態隴樹  
無春巖嶽孤猿啼助哀傷之苦穿林幽鳥聲添惜別之愁  
弔客掩襟佇立以泣在會參學小師守堅始終荷贊洞契  
無爲門人淨本大師常實等三十六人知事皆明佛性雅  
得師宗也在京弟子報恩寺內供奉七十餘人皆出自宮  
闈素精道行敕賜與師爲弟子法經內僧錄六通大師教  
中大法師道聰洞容本門尤精外學也嶽鏤冰藝薄映雪  
功疎自愧斐然濫承厚辟編成實性紀彼貞珉銘云  
師歸何處超然寂然愛河萬頃涉若晴川 恩超四果難  
降眾魔迷則眾劫悟則剎耶 是色非色真空則空如水

涵象若燭隨風 雖云有佛難窮於佛如地有芽逢春自  
出 菩提無種覺花無子妙果如成有何生死 是法非  
法恍惚難尋無內無外卽心傳心 劫名成灰兮邱陵潛  
燬大海爲田兮人倫斯改紀師實性兮刻於貞珉龍華會  
開兮師蹤如在

漢大寶元年歲次戊午十二月一日建

乳源縣志

蘭修按右匡真大師塔銘見乳源縣志考曹溪六祖  
分爲二派曰青原思曰南嶽讓南嶽復分二派曰臨  
濟曰滌仰青原分三派曰曹洞曰法眼曰雲門是爲  
五宗文偃則雲門嫡嗣也是銘文辭清麗足與陳守  
中碑並稱惜諸書俱未著錄雷嶽十國春秋無傳結

南漢金石志卷一  
銜稱御書院給事郎亦百官表所未及也

寶林禪院銅鐘款

存

粵維大寶二年太歲己未七月甲辰十九日壬戌樂昌黃蓮山寶林禪院住持長老明徽大師賜紫沙門義初召眾緣鑄造銅鐘壹口重肆伯斤勸首弟子給事郎守內侍省內府局合都監樂昌防邊諸都并監樂昌縣事賜紫金魚袋鄭敬贇以七月二十八日設齋慶讚永充供養 奉敕

鐫題黃蓮山銅鐘壹口官

力

拓本

鐘高二尺四寸圍四尺口五尺紐高五寸圍二尺凡鑄

金之文陽識易成陰款難鑄三代銅器用陰款秦漢則

多用陽識此文乃是陰款尤為難得

粵東金石畧

右黃蓮山銅鐘題字凡四行文云云考韶州府志樂昌縣有寶林寺宋嘉祐三年僧圓祐建無所謂寶林禪院者至黃蓮山則志乘失載訪之樂昌人亦尠能舉其名

矣

錢大昕潛研堂金石文跋尾

鐘在韶州新建文昌廟粵東金石畧云此鐘不知何時移於韶州府學明倫堂今又從明倫堂移來者也奉敕鐫題以下十三字字體天斜疑與鐘款非一時所鐫緣从彖鐫从門皆別體字

廣東通志

蘭修按款云鐘壹口重肆伯斤考儀禮士冠禮壹揖壹讓疏一壹通用漢書食貨志有伯阡之得師古注阡謂千錢伯謂百錢唐尉遲恭碑米粟壹阡伍伯石



唐岱岳觀碑年月用貳參肆捌玖拾等字蓋古人偶  
爾段借至唐時公牒多用之觀此識及長壽寺大寶  
七年鐘款重銅壹斤貳伯陸拾斤猶沿舊習也禮記節以壹惠  
鄭注壹讀爲一正義曰經文爲大壹鄭讀爲小一今  
人稱壹貳字爲大一二字爲小其來久矣

宴石山記

未見

新開宴石山記

□□□容州管內都製置鹽鐵發運等

務並白州永資院點檢義勝等都□務□賜紫金魚袋劉

崇遠 蓋聞住非聲而去非色無滅無生視不見而聽不

聞有口有口三空俄顯一德爰彰善念必通勤行可學明

明宗旨歷歷程途實有路以堪躋□□門而可入自是心

源不透智筏未征達彼岸以何由湊元關而莫迫崇遠自  
親禁掖厚忝渥恩凡覩靈蹤悉虔俗志冀精勤於一善上  
報答於九重宴石山者在白州博白縣之西鄉與馬門灘  
伏波公之祠鄰近圖經云昔有神人稱陳越王今有古宮  
基址見在廉州合浦口口口曾宴於此山故以爲名焉其  
山也西枕清波南連翠口口曉則輕雲簇白晝則遠樹攢青  
石罅泉噴點點而斜飛皓雪口口花秀萋萋而密綴紅口  
左紆右迴前龜後鶴蔬足果足松寒竹寒昔曾有人臨水  
口口作佛像約高五丈餘未窮其年代者矣口有壬向石  
室一所唐咸通中高相座口統十道兵師禦八蠻疆境經  
行之際於此口塑造佛像今以口口崇遠因監製運遂切

經營乃命良工闢爲精舍一山迴壘兩室相鄰口是以黑  
金鑄釋迦瑞像設於東室又鑄釋迦牟尼佛一座兼別鑄  
五百阿羅漢口口羅漢設於西室其次有石引廊齋堂僧  
房等在於室外請僧師肇道志惟敏惟忠住持焚修口則  
飛章聞奏皇澤爰頒賜額號於口口今爲覺果之禪院口  
謂覺乃大覺之口果乃勝果之門覺與果齊果因覺集口  
口口外天鑿洞臨致去石嵐永爲勝地又別有東峯石山  
一座中有東西南北四室鬼峩若畫礪魄如鑄直疑乎造  
化剗開又恐是神仙蹶出多景多致惟煙惟霞亦以黑金  
鑄玉皇道君老君天地水三官竝塑左空右元真人玉童  
玉女左右龍虎君元中大法師設於室內卓爾威儀森然

侍衛請道士廖德崇劉守清盧守和等別建道院住持焚  
修以乾和十五年丁巳歲八月二十三日起建迄於大寶  
元年戊午歲十二月二十七日畢功建置道場設齋慶讚  
訖莫不青蓮金柱如初利以初來錦舌蒼肝似藥珠而乍  
降繇是命乎緇侶招彼羽人金爐曉炷以飭醞銀炬宵燃  
而炫耀用全因果上贊休明口來四海之朝宗盡類眾星  
而拱極功既畢矣願且周焉可以齊嵩華之堅可以並江  
河之永靈基勝跡萬古千秋時大漢大寶二年太歲乙未  
九月癸卯朔二十四日丙寅記 晨輝殿使知白州軍州  
事都管句容州管內都製置鹽鐵發運等務朝請郎檢校  
尚書工部員外郎口桂國賜緋魚袋樊匡嗣榮秉郡符同



崇口勝社

左靜□□□□□□□□□□□□□□□□

都部領將金紫光祿大夫左領口將軍檢校刑部尙書口

□□□□□上柱國蔡彥宏 寧遠軍節度衙前兵馬使充

製置務表狀孔目官口昭書 製置務客司軍將李道員

鐫廣西金  
石畧

五季文章趣卑陋甚矣然當時諸僭偽其國頗亦有人

吾頃遊博白之宴石山號普光禪寺者為屋數椽而已

其山迴絕洞穴奇怪得一碑乃偽漢時人為寺記特喜

其兩語曰蔬足果足松寒水寒

蔡條鐵圍  
山叢談

右記在博白縣案縣志云宴石山在頓穀堡與紫陽巖

相連兩地寺觀皆劉崇遠闢建僭竊之世具此物力取

於民多矣己未周恭帝顯德六年也記爲覺果禪院作  
蔡稱普光寺者宋時改名又竹寒蔡作水寒視之不審

耳

廣西金  
石畧

蘭修按劉崇遠樊匡嗣蔡彥宏李道員十國春秋俱  
未見崇遠記云自親禁掖厚忝渥恩云云蓋宦者匡  
嗣結銜稱晨輝殿使十國春秋百官表無之當亦內  
職其稱都製置鹽鐵發運等務永資院點檢知軍州  
事工部員外郎都部領將節度衙前兵馬使製置務  
表狀孔目官製置務客司軍將皆足補百官表之闕

拓路記

存

以大寶三年庚申歲月在仲冬開拓此路爲畱題記

拓本

右拓路記其文云云凡三行二十字行書頗縱逸在潮州府西湖傍大石上金石家未有著錄者益都李南澗知潮陽日赴郡游斯湖始見而拓之

潛研堂金石文跋尾

修慧院鐘款

佚

修慧院在東莞縣東監南漢大寶三年內承宣使劉廷

威鑄鐘二百五十觔置院中後改慧雲寺

廣州府志

南漢大寶三年鐘永樂間為盜竊去

粵東金石畧

乾亨寺銅鐘款

未見

維大漢大寶四年歲次辛酉九月辛酉朔二十五日乙酉

鑄造銅鐘一口重一千五百斤於乾亨寺永充供養僧正

大德崇愍都監大德行超監寺大德都維那僧楚彤住持

從義楚澄縈然戒詮智暹知亮宏遇西頭供奉官都監賀  
州防拓應援等軍竝監賀州事徵仕郎守內侍省內府局  
令賜紫金魚袋梁廷康管甲指搆使全友誠劉處詳佐遷  
內承旨黃守鐔指搆使陳匡遠左雄勇指搆使都監賀州  
應援軍銀青光祿大夫檢校刑部尙書兼御史大夫上柱  
國郭達西頭高品譚文定西上閤門使副權錄事參軍梁  
延福 郭居弟子楊德威廖師進宋居訓黃進又詹延達  
鄧承潤王廷猷梁承選蕭彥鏞黃仁祚李延亮孟漢璿劉  
意琅黃少璘陳延福胡延舉蕭彥湘王景起莫少宣陳進  
清孟漢達孟意通陳德用姚宏雅黃仁裕虞從慶止鄰倫  
延綬嚴匡演楊燦李常溫廖延通李延意莫楷虞才訓



女弟子蔣氏六娘黃二娘徐四十娘李十四娘虞二十一

娘陳二娘歐陽十八娘陶五娘李二十八娘馮一娘 高

品銀青光祿大夫檢校國子祭酒兼侍御史柱國莫道贊

翰林口待詔文林郎試大理評事王師訓 眾緣應援軍

十將盧法住龐保定楊僧羅法寧劉光美李善能楊象封

弩陳令簡鄧會陳道情梁雪羅貴楊道意楊公海覃廷儀

潘廷美馮金劉迢何匡韻龐婺兒伍僧會潘楚規楊軍朗

梁瑤盧嫩龔硯楊知蘇蘊黃延集楊虔吳採龐奴甯舍梁

彥通梁幼余戀甯光包邵兒洗初鍾添唐勝梁云慶堯保

成劉史乾亨寺住持僧宏遇善儒志寬善慧寺監寺大德

緣集法喜正惠禪院監院大德智堅西山勝果寺監持大

德惠長寺主契真仁王寺監寺大德善德峽山寺大德從  
惠審依東南道靈化寺大德延浦 鑄造匠人梁道崇顏  
位鄧珠書人區昱鐫字匠人齊公延齊公握阮仁與田從  
訓 眾緣弟子馬軍郭道崇陳延嗣何懷堅李懷進梁道  
崇李廷真區彥從錢珣唐緒顏位陳彥詳防拓軍十將何  
肱聶軻王畋成行柔阮敬芝張利保區珍陳廷桂李辛宋  
從順楊廷懿蘇全志植昌鑱陳體陳癸黎小錐陳保得吳  
甯收區昱鄧珣楊延慶凌孟益羅敬文黎匡克黎崇徽陳  
法善梁觀音林光嗣禰慶眾張僧養林讓梁匡錫陳廷智  
何佛養陳延壽梁保志馮僧保李文叨陳潘久蘇亞張料  
六梁保綬何廷泛劉道誠梁敬遷梁度嚴畱梁光嗣吳佛

保陳公遠區延志聶再隆陳彥嵩盧光志王佛壽劉韶向  
延古陳佛看蘇保兒蒙愛梁延愛梁和尚莫宋張佛王老  
徐嫩植崇保梁懷徹盧延保區紹陳承鄴黃知道王期陳  
師黎佛念鄧法護洗光嗣李張盧鄒封善修盧從蘊陳思  
憲 女弟子陳三娘區四娘宋九娘李八娘陳二娘任八  
娘簡十娘王一娘劉二娘李九娘廖二娘趙十六娘徐九  
娘何一娘陳一娘 左廂都押衙知桂嶺縣事歐陽敬忠  
右廂都押衙梁存忠防城都押衙黃延靜四界馬步都虞  
候知馮乘縣事孟漢雉馬步都虞候莫慶承典議郎守連  
山縣程崇珪捕賊官陳子勳虞承遠馮令瑁軍事孔日官  
知寶城場務虞延慤鼓鑄都句孔日官知富川縣梁珠軍

事押衙官句蕩山縣科敬楊蘊讀示孔目官鍾全美廳句  
孔目官陳昌鼓鑄孔目官鍾虔眇曹都鍾仁英州司孔目  
官虞保忠陳承保黃承畔表奏孔目官費沆虞仁贊王廷  
規虞仁祚倉督廖仁亮臨賀縣都行耆壽虞師岳陳子璩  
歐陽續桂嶺縣都行耆壽李罕餘富川縣都行耆壽王漢  
膺董仁興馮乘縣耆壽何仁富蕩山縣耆壽黎霜層寶城  
場行首賓華祚

廣西金  
石畧

右鐘在賀縣三乘寺高四尺五寸口徑二尺五寸四面  
皆有款文凡千餘字其官位及僧徒稱謂亦足考一時  
之制內多異姓如洗慶植禰科賓之類禰音喧今南中  
尚有此姓而洗或作洗觀是鐘知其誤自五代時已然



大寶辛未爲宋太祖建隆二年考史是年九月朔壬戌

此云辛酉差一日也

同上

蘭修按右鐘款職官三十七人耆壽九人眾緣一百

七十三人工匠八人女子二十五人僧二十二人職

官梁延康等十國春秋無攷結銜稱西頭供奉官西

頭高品西上閣門使副內承旨御史大夫侍御史國

子祭酒翰林院待詔大理評事知縣事知場務都監

防拓應援等軍管甲指撫使錄事參軍左廂都押衙

右廂都押衙防城都押衙軍事押衙官馬步都虞候

軍事孔目官都句孔目官廳句孔目官鼓鑄孔目官

州司孔目官表奏孔目官讀示孔目官捕賊官倉督

皆十國春秋百官表所未載也

昭州光孝寺銅佛識

佚

銅佛識在昭州報恩光孝寺殿貯銅佛一軀趺坐蓮花  
中僞劉時所鑄高一丈二尺闊六尺座高七尺縱廣一  
丈巨拇圍五寸他稱之金蘭寶障皆銅所範妙極精巧  
後有識云維大漢大寶四年

輿地紀勝

蘭修按昭州今廣西平樂縣嘉靖廣東通志云光孝  
寺庫中有銅釋迦像一尊高一丈羅漢一十六尊各  
高二丈南漢大寶二年鑄乃開元寺舊物云云此廣  
州光孝寺也其時銅佛所在有之僭偽之朝窮極物  
力以邀福祚而民怨自此深矣悲夫

南漢金石志卷一

譚瑩玉生覆校

南漢金石志卷二

嶺南遺書

嘉應 吳蘭修 石華撰

鎮象塔記 存

以大寶□□□□□□月乙卯朔六日庚申□□□□□

面招討使行內侍監上柱國邵□□已下不地一段收此

不辨字數及諸寺院僧尼醵造佛頂尊勝□□尼□□此下不辨字數

大白衣觀□□□薩尊□□此下不辨字數塔五層四面龕室裝

嚴佛像又捨黑□□此下不辨字數老僧延嗣住持焚修伏以所

崇妙善蓋□□□□□□□羣象踏食百姓田禾累奉勅

下羗人採捕駢括入欄烹宰應瞻軍□□其帶甲披□□

口負耒之□□□遺骸滯魄難超捨去□□此下不辨良因

南漢金石志卷二

粵雅堂校刊



免涉幽局之苦速承濟度永辭異類之徒

拓本 經 文不錄

鎮象塔在東莞南漢禹餘宮使邵廷瑁建

吳萊南海 古蹟記

塔在廣州東莞資福寺紀年已泐粵東金石畧題云大

寶五年而黃佐廣州先賢傳云大寶七年始加廷瑁為

東面招討使與五年之文不合攷大寶七年為遼應祿

十四年遼史朔考是年至明年六月

是月邵廷瑁死

無乙卯朔

此記云乙卯朔則五年無疑矣又歐陽五代史南漢世

家建隆元年

大寶三年

張將邵廷瑁言於張則瑁之為將已

在五年以前故塔建於五年得題銜招討使廣州先賢

傳云七年始加者誤也記中案字玉篇廣韻並無惟見

集韻蓋當時鄉壁虛造之字

廣東通志

西鐵塔記 存

盧迦那佛 此東上面

釋迦佛 此東下面

玉清宮使德□□□宮使開府儀同三□□內侍監□

□國龔□□同女弟子□□□□□□以大寶六年□□

□亥五月壬子朔□□□□□鑄造□□□□

入緣弟子內給事都監韶州梁□鄂 以上東面

盧舍那佛 此南上面

彌口佛 此南下面

玉清宮使德陵使□□宮使□府儀同三□□內侍□□

□國□□□同女弟子□□□三十二□以大寶□□歲次

癸口五月壬子朔口口口辰鑄造口口口

入緣弟子內給事都監韶州梁延鄂

以上南面

毗口口佛

此北上面

藥師佛

此北下面

玉清宮使德陵使龍口宮使開府儀同三司口內侍監上

柱國龔口口同女弟子口氏三十二口以大寶六年歲次

口亥五月壬子朔十七日口辰鑄造永口口口

入緣弟子內給事都監口州梁延鄂

以上北面

口口佛

此西上面

彌勒佛

此西下面

玉清宮使德陵使龍德宮使開府儀同三司行內侍監上

柱國龔澄樞同女弟子鄧氏三十二娘以大寶六年歲次  
癸亥五月壬子朔十七日戊辰鑄造永充供養

入緣弟子內□□□□□□□□延鄂

口弟子劉軍口

以上西面

拓本

右龔澄樞造鐵塔記塔在廣州光孝寺文凡七行世所  
傳者惟西一面文乾隆甲午夏益都李文藻素伯諦觀  
東南北三面鐵繡中隱現有字募人錐出揚之文皆與  
西面同而每行字數有多寡蓋非一范也素伯又爲文  
記塔之形製云塔自石趺以上高丈有九尺六寸石趺  
四重刻獅獸鐵趺四重一作瓦檐形二作龍戲三珠縮  
其地廉外爲四人首戴第三重如鬣屬狀三重亦刻花



紋四重周作蓮花四面各闊四尺六寸爲瓣九中瓣刻  
紋於上自蓮花瓣以上凡七層以次而狹皆鑄佛像最  
上闊不過二尺又上爲蓮花頂每層大佛一眾小佛環  
之每面七層計二百五十佛四之則千佛矣下二層佛  
旁有字梯而視之第一層東曰釋迦佛西曰彌勒佛南  
曰彌陀佛北曰藥師佛藥師佛者釋家謂之功德佛其  
造塔者自况乎第二層東盧遮那佛南盧舍那佛西牟  
尼佛北毗舍浮佛它佛名皆刻佛左而此獨刻佛右塔  
頂似有字勢甚危不可梯也

潛研堂金石文跋尾

塔在廣州光孝寺之西院唐六典內侍省內侍四人從

四品上新唐書百官志內侍省監二人從三品內侍四

人從四品注云龍朔二年改監為省天寶十三年置內

侍監則唐自天寶後稱內侍監五代會要後唐同光元

年以左監門衛將軍判內侍省李紹宏兼內局則後唐

已復稱省南漢承唐梁之制內侍省有監內侍監者內侍省官之長

省者其寺署監者其官也與唐書百官志稱官司之別

日監者不同又東莞鎮象塔鄧延瑁題銜併行內侍監

亦可為有乾和十六年感報寺鐘款載桂州管有內侍內招討使特進行內侍上柱國吳懷

也恩是而未嘗稱其官為內侍省大寶四年乾亨寺鐘款

令賜紫金魚袋梁延康此省中之屬官百官志內此塔題銜為據宋史通鑑及十國春秋稱澄樞為內侍

省並誤也又舊唐書職官志武德令職事解散官欠一

階不至為兼職事卑者不解散官貞觀令以職事高者

南漢金石記卷二  
四  
爲守職事卑者爲行仍各帶散位其次一階依舊爲兼  
與當階者皆解散官則澄樞初以知承宣院兼內侍監

宋史十國春秋並作省

後又以開府儀同三司行內侍監傳乃誤

監爲省又漏其後一官并畧其勳上柱國耳又載入緣  
弟子梁延鄂史傳無攷其題銜稱內給事都監按六典  
百官志內給事從五品無都監之名十國春秋百官表  
亦不載當據此以補其缺塔頂爲蓮花形無字李文藻

之言臆說也

廣東通志

宋史澄樞傳無玉清宮使十國春秋無行內侍監上柱

國西鐵塔銘無特進及萬華宮使驃騎大將軍上將軍

左龍虎軍觀軍容使內太師武昌縣開國男食邑三百

戶等銜陳守忠雲門山碑亦無諸將軍及內太師銜塔  
款作於大寶六年五月雲門山碑作於大寶七年四月  
碑題銜與塔款同止多封爵食邑知爵邑之賜在六年  
五月後七年四月前而授諸軍官銜及進太師則在七  
年四月以後矣

梁廷相南  
漢書考異

長壽寺銅鐘款

存

大漢皇帝維大寶七年歲次甲子正月一日戊寅鑄造洪  
鐘一口重銅壹阡貳伯陸拾斤於長壽寺永充供養 其  
鐘元在長壽寺至今戊辰歲四月八日却移於法明寺永  
充供養 都維那僧惟省直歲僧法光典座僧合恩上座

文昌

拓本



鐘在曲江南華寺蓋自法明寺移至者也據宋開寶九年款法明寺當在廣州然今不可攷矣長壽寺卽今六榕寺戊辰大寶十一年也

廣東通志

匡聖宏明大師碑銘

存

大漢韶州雲門山大覺禪寺大慈雲匡聖宏明大師碑銘

并序

西御院使集賢殿學士御前承旨太中大夫行左

諫議大夫知太僕寺事上柱國賜紫金魚袋臣陳守中奉  
敕撰

原夫真空無相劫火銷而性相何來妙法有緣元氣剖而  
因緣何起造化莫能爲關鍵元黃不可爲種根此乎十号  
之尊出彼三祇之劫增莫知而滅寧覩詎究始終望不見

而名無言孰明去住不有中不空中空匪動匪搖常寂  
常樂拘留孫之過去釋種圓明毗婆尸之下生元符合契  
繇是修行道著相好業成爰受記於定光迺度人於摩揭  
自是一音演說二諦宏宣開八萬法門化三千世界大乘  
六而小乘九慧業難基欲界四而色界三昏波易染所以  
興行六度接引四生求真者蕩洗六塵修果者咸超十地  
盡使昏衢之內俱萌捨筏之心大應人天俾居淨土其後  
衣纏白氎屣脫金沙示無住之身現有終之理於是迦葉  
結集阿難證真遞付心珠住持法藏象教遠流於千載覺  
花遍滿於十方馬鳴興護法之功龍樹顯降魔之力師師  
相受法法相承大化無窮不可思議而自我祖承運明帝

御乾符聖夢以西來圖粹容而東化金言玉偈摩騰行首  
譯之文鹿苑雞林佛朔遂身遊之化迨於魏晉迄至隋唐  
達理者甚多得道者非少其如歷帝歷代有廢有興未若  
當今聖明欽崇教相者也伏惟睿聖文武隆德高明宏道  
大光孝皇帝陛下德參覆載道合照臨叶九五之龍飛應  
一千之鳳厥承帝嚳有堯之慶鴻業敦興體下武繼文之  
基聖功崛起每念八紘紛擾九土艱虞耀干戈弧矢以宣  
威救生靈塗炭用文物聲明而闡教致寰宇雍熙櫛沐忘  
勞鑿大禹之所未鑿造化不測開巨靈之所未開慶雲呈  
而甘露垂嘉穀生而芝草出其於儒也則石渠金馬刊定  
古今八索九丘洞窮淵奧其於道也則探元抱朴得太上

之妙門寶籙靈符授虛皇之祕訣於機暇旣崇於儒道注  
宸衷復重於佛僧是以奉三寶於虛空福萬民於寰宇紺  
宮金剎在處增修白足黃頭聯辰受供而乃頻彰瑞感顯  
應昌期矧以韶石奧區漕溪勝地昔西來智藥三藏駐錫  
於漕溪曰一百七十年後當有無上法寶肉身菩薩於此  
興化學道者如林故號漕溪曰寶林也二十八祖之心印  
達磨東傳三十三代之法衣祖師南授自六祖大師登正  
果之後所謂學者如林天下高僧無不臻湊者矣大慈雲  
匡聖宏明大師者則別穎一枝也大師澄真不渾定性自  
然馳記蒞之高名躡迦維之密行惠燈呈耀智劒發硎六  
根淨而五眼清不染不著四果證而三明朗自悟自修啓



禪門而定水泓澄搜律藏而戒珠瑩徹水上之蓮花千葉  
清淨芬芳空中之桂魄一輪孤高皎潔機無細而不應道  
有請而必行固得百福莊嚴萬行圓滿盡諸有漏達彼無  
爲大師諱文姓張氏吳越蘇州嘉興人也生而聰敏幼足  
神風不雜時流自高釋性纔逾卅歲便慕出家乃受業於  
嘉興空王寺律師志澄下爲上足披經懺偈一覽無遺勤  
苦而成依年具尸羅於常州戒壇初習小乘次通中道因  
聞睦州道蹤禪師關鑰高險往而謁之來去數月忽一日  
禪師發問曰頻頻來作什麼對曰學人已事不明禪師以  
手推出云秦時轆轤鑽師因是發明微而有理經數載策  
杖入閩造於雪峯會下三禮之後雪峯和尚頗形器重之

色是時千人學業四眾咸歸肅穆之中凡聖莫測師朝昏  
參問寒燠屢遷昂鶴態於羣流閑禪扉於方寸因有僧問  
雪峯曰如何是觸目不見道運足焉知路雪峯曰吽其僧  
不明舉問師此意如何師曰兩斤麻一匹布僧又不明復  
問何義師曰更奉三尺竹僧後聞於雪峯峯曰噫我常疑  
箇布衲其後頗有言句繁而不書乃於眾中密有傳授因  
是出會游訪諸山後雪峯遷化學徒問曰和尚佛法付誰  
峯曰遇松偃處住學徒莫測偃者則師之法号也遺誠至  
今雪峯不立尊宿辛未屆於漕溪旋謁靈樹故知聖大師  
如敏以識心相見靜本畧同儔侶接延僅逾八載丁丑知  
長老聖忽一日召師及學徒語曰吾若滅後必遇無上人爲吾

茶毗及戊寅歲知聖大師順寂恰遇高祖天皇大帝駕幸  
韶陽至於靈樹勅爲焚爇果契前言也師是時奉詔對敷  
便令說法授以章服次年又賜於本州爲軍民開堂師據  
知聖筵說雪峯法牧守何希範禮足曰弟子請益師曰目  
前無異草是日問禪者接踵其對答備傳於世師尙後倦  
於延接志在幽清奏乞移庵帝命兪允癸未領眾開雲門  
山構創梵宮數輦而畢莫不因高就遠審地爲基層軒邃  
宇而湧成花界金繩而化出曉霞亘覆絳帷微攬於雕楹  
夕露散垂珠網輕籠於碧凡匝匝盡奇峯秀嶺逶迤皆潑  
黛堆藍泉幽而聲激珠璣松老而勢擎空碧由是裝嚴寶  
相合雜香廚樞衣者歲溢千人擁錫者雲羅四表菴羅衛

之林畔景象無殊耆闍崛之山中規模匪異院主師傳表  
奏造院畢功勅賜額曰光泰禪院至戊戌歲高祖天皇大  
帝詔師入闕朝對有容因宣問曰作麼生是本來心師曰  
舉起分明帝知師洞韞元機益加欽敬其日欲授師左右  
街大僧錄遜讓再三而免翊日賜師號曰匡真大師延駐  
浹旬賜內帑銀絹香藥遣迴本院厥後常注宸衷頻加賜  
賚尋伏遇中宗文武光聖明孝皇帝纘承鴻業廣布皇風  
廓靜九圍常敬三寶復降詔旨命師入於內殿供養月餘  
仍賜六銖衣錢絹香藥等却旋武水并預賜塔院額曰瑞  
雲之院寶光之塔師禪河浩淼聞必驚人  
有問禪者則云  
正好辨有問道者則云透出一字有問祖師意者則云日



裏看山凡所接對言機大約如此了義元遠法藏幽微化  
席一興歲華三紀師於生滅處在色空中來若鳳儀作僧  
中之異瑞去同蟬蛻爲天外之浮雲於屠維作噩之歲四  
月十日寢膳微爽動止無妨忽謂諸學徒曰來去是常吾  
當行□□命侍者奉湯師付湯碗於侍者曰第一是吾著  
便第二是汝著便亟令修表告別君王乃自札遺誠曰吾  
滅後不得敦俗著孝衣哭泣備喪車之禮則違我□□也  
付法於白雲山實性大師志庠其日子時瞑目怡顏疊足  
而化嗚呼化緣有盡示相無生端然不壞之身寂尔歸真  
之性惠兼雖乾於此界法山復化於何方峯雲慘澹以亘  
垂眾鳥悲鳴而不散學徒感極瞻雁塔以銜哀門客戀深

拜禪龕而雪涕以當月二十有五諸山尊宿四界道俗  
送師入塔壽齡八十六僧臘六十六香飄數里奎振一隅  
護法龍神出虛空而閃爍受戒陰騭現髮髯之形容其後  
諸國侯王普天僧眾聞師圓寂致齋羞而後一十七年  
我皇帝應天順人垂衣御極順三靈而啓聖紹四葉之耿  
光大振堯風中興佛法至大寶六年歲次癸亥八月有雄  
武軍節度推官阮紹莊忽於夢中見大師在佛殿之上天  
色明朗以拂子招紹莊報云吾在塔多時汝可言於李特  
進秀華宮使特  
進李托也託他奏聞爲吾開塔紹莊應對之次驚覺  
歷然是時李托奉勅在韶州於諸山門寺院修建道場因  
是得述斯夢修齋事畢迴京奏聞聖上謂近臣曰此師果

圓滿坐化多年今若託夢奏來必有顯現宜降勅命指撝  
韶州都監軍府事梁延鄂同本府官吏往雲門山開塔如  
無所壞則奏聞迎取入京梁延鄂於是准勅致齋然後用  
功開鑿菩薩相依稀旋覩蓮花香馥郁先聞須臾寶塔豁  
開法身如故眼半合而珠光欲轉口微啟而珂雪密排髭  
髮復生手足猶軟放神光於方丈晃耀移時興瑞霧於周  
迴氤氲永日卽道卽俗觀者數千靈異旣彰尋乃具表奏  
聞勅旨宣令李托部署人船往雲門修齋迎請天吳息浪  
風伯清塵直濟中流俄達上國勅旨於岨峽步駐泊翊日  
左右兩街諸寺僧眾東西教坊四部伶倫迎引靈龕入於  
大內螺鈸鏗鏘於玉闕幡花羅列於天衢聖上別注敬誠

賜昇祕殿大陳供養疊啓齋筵排內帑之瓌珍饌天廚之  
蘊藻列砌之驪珠斛滿盈盤之虹玉花明浮紫氣於皇城  
炫靈光於清禁聖上親臨寶輦重換法衣謂侍臣曰朕聞  
金剛不壞之身此之謂也於是許羣寮士庶四海蕃商俱  
入內庭各得瞻禮瑤林畔千燈接晝寶山前百戲聯宵施  
利錢銀不可殫紀以十月十六日乃下制曰定水澄源火  
蓮發豔夙悟無生之理永畱不朽之名萬象都捐但祕西  
乾之印一真不動惟餘南祖之燈韶州雲門山證真禪寺  
匡真大師早契宗乘洞超真覺雖雙林示滅十七年靡易  
金軀隻履遺蹤數萬年應迴葱嶺朕顯膺厯數纘嗣丕圖  
洎三朝而並切皈依乃一心而不忘迴向仰我師而獨登



果位在沖人而良所歎嘉宜行封賞之文用示褒崇之典  
可贈大慈雲匡聖宏明大師證真禪寺宜昇爲大覺禪寺  
重臣將命乳奠伸儀太常行禮於天墀綸誥宣恩於雲陛  
固可冥垂慈貺密運神通資聖壽於延長保皇基於廣大  
師在內一月餘日聖澤優隆七寶裝龕六銖裁服頒賜所  
厚今古難倫當月二十九日宣下李托部署却迴山門有  
參學小師雙峯山長老廣悟大師賜紫竟欽溫門山感悟  
大師契本雲門山上足小師應悟大師常寶等同部署真  
身到關亦在內庭受供恩渥異常其諸上足門人常厚等  
四十餘人各是章衣師號散在諸方或性達禪機或名高  
長老在京小師悟明大師都監內諸寺賜紫常一等六十

樹盥或典謀法教或領袖沙門臣才異披沙學同鑄水度  
膺鳳旨紀實性以難周愧匪雄詞勒貞珉於不朽乃爲銘

曰

於穆大雄教數百億亭育二儀提攜八極不滅不生無聲

無色卓尔神功昭然慧力其一化無不周道無不備法既流

兮教既布矣爰示滅樂歸乎妙理實性真宗枝分風靡其二

祖祖傳心燈燈散燭詮諦騰鑣聖賢交躅種種津梁門門

杼軸正覺廣焉尋之不足其三厥有寶林重芳一葉布無上

乘登無上楫法炬臙臙尼珠煒燿拯溺迷津救焚塵劫其四

南北學徒樞衣朝夕無醉不醒無昏不釋示其生焉來彰

慧績示其滅焉歸圓真寂其五湛然不動塔韞寶光玉毫彌

赫金相彌疰時乎未矣我則晦藏時乎至矣我則昭彰其六

爰於明朝現茲法質如撥障雲重舒朗日瑞應皇基福隆

帝室聖覽禎祥恩頒洋溢其七三翼沿沂千里請迎迎來丹

闕設在三清金銀羅列瓊壁堆盈倣生紫氣潛覆皇城其八

日陳供席夜奏笙歌施億寶貝捨萬綺羅神傾薜萄天降

曼陔前佛後佛顯應斯多其九明明聖君仁仁慈主聖比和

風慈同甘雨祈與天長教將地固勒之貞珉永芳千古其十

維大寶七年歲次甲子四月丁未朔列聖宮使甘泉宮使

秀華宮使翫華宮使開府儀同三司行內侍監上柱國臣

李托 玉清宮使德陵使龍德宮使開府儀同三司行內

侍監上柱國武昌縣開國男食邑三百戶臣龔澄樞承旨

建 右街大乾亨寺內殿供奉講論兼表白意法大師賜

紫沙門臣行修奉勅書 右龍虎軍控鶴將軍陪戎副尉

臣孔廷津臣陳延嗣臣鄧懷忠等鐫字

拓本

右碑今在乳源縣之雲門山文偃唱道雲門與臨濟瀉

仰曹洞法眼竝稱五宗而此碑前人著錄無及之者偃

初住雲門之光泰禪院劉龔賜號匡真大師劉鋹大寶

中追諡大慈雲匡聖宏明大師五燈會元述師諡稱大

慈雲匡真宏明蓋誤合前後諡號爲一

蘭修按十國春秋文偃傳誤同

又以光泰爲光奉亦傳寫之譌也睿聖文武隆德高明

宏道大光孝皇帝蓋鋹所上尊號當據以補十國春秋

之闕守中文詞博瞻行修書亦不俗而十國春秋不錄



其名氏蓋志伊亦未見此碑也

潛研堂金石文跋尾

碑云於屠維作噩之歲

爾雅在己曰屠維在酉曰作噩

四月十日其日

子時瞑目怡顏疊足而化後一十七年我皇帝陛下中

興佛法大寶六年歲次癸亥八月推官阮紹莊忽於夢

中見大師又載後主勅雖雙林示滅十七年靡易金軀

云云按雷嶽文偃塔銘亦云己酉年卒己酉為乾和七

年閱十七年為大寶九年丙寅而碑立於大寶七年甲

子則後文偃死止十五年與所稱十七年不相應十國

春秋亦云卒後十七年示夢蓋誤沿碑文也

南漢書考異

蘭修按右碑在乳源縣雲門山縣志所載譌脫三四

十字今據拓本著錄字多別體大約皆有所本如地

作壘本籀文治作紕本古文閉作閑臘作臙本漢張

遷碑競作竟本東魏太公望碑刹作刹本梁元帝梁

安寺刹下銘唐釋元應一切經音義云刹字書無即

文新附有刹篆繆也北齊造丈海作彙本北齊董洪

達造像銘纏作纏本隋龍藏寺碑儒作儒本隋默曹

殘碑載作輦本唐武后更造字低作佢本武后御製

石刻熙作瀝本唐張嘉貞恒山碑淵作剡本唐李剡

造石像記鶴作鶴本唐楚金禪師碑莊作庄本唐張

琮碑瓦作凡本唐梁守謙功德銘拯作拯本唐聖教

序又勃漢書司馬相如傳作教此作教鑿唐化度寺

碑作鑿此作鑿策唐段褒公神道碑作策此作策襯

唐石壁字鐵彌勒頌作觀此作攏踵謬沿譌變本加厲六書之旨蕩然矣至曹溪作漕溪或當時通用如此如北齊雋修羅碑稱長安作萇安耳又按嘉興縣唐屬蘇州梁初改屬杭州晉天福五年三月此據吳越備史王溥五代會要作天福三年十月吳越文穆王請於嘉興縣置秀州此碑及雷嶽塔銘云蘇州嘉興縣者猶沿舊稱也

東鐵塔記 存

大漢皇帝以大寶十年丁口歲勅有司用烏金鑄造千佛寶塔壹所七層并相口蓮花座高二丈二尺保龍口有慶祈鳳厓無疆萬方咸使於清平八表永承於交泰然後善資三有福被四恩以四月乾德節設齋慶讚謹記 此西面

□□□□□□□□□□軍容□□□□□□陽宮使秀□

□□□華宮使□□□□□□□□□□使宮闈□

□□番點檢□□□上將軍行內□□□□□□□□

開國伯食邑七百戶□□□□□□此南面西隅

教中大法師內□□監□□□□□□□□大夫檢校工

部尙書□法師沙□臣□□此南面東隅

教中大法□□□□□□□□□□□□大夫檢校□

部尙書□□□□沙門臣□□此東面南隅

教中大法師內供奉講經首座金紫□□□夫檢校工

部尙書寶法大師沙門臣□□此北面東隅

內殿大僧錄教中大法師金紫光祿□□檢校工部尙



書曉真大師沙門臣道

此北面西隅拓本

右造千佛寶塔記在光孝寺之東院寺僧以灰填其文而塗金於外謂之金塔記在塔之西面凡八行其北面西隅題名二行西隅題名三行東面南隅題名二行西隅題名三行東面南隅題名二行西面兩隅及東面之北隅皆無刻文予所藏者李素伯手搨之本視他家特為完善寺之西有龔澄樞所造鐵塔先於此塔四年亦非奉勅所造朱錫鬯謂劉鋹所鑄二塔竝立一屋中一作記一題名者誤也此塔題名六人惟所謂宮使者似是內侍之職餘皆沙門爾朱以為皆宦者亦誤

潛研堂金石文

曝書亭集謂二塔竝立一屋一作記一題名又謂其皆宦者固誤粵東金石畧云其列名皆沙門監造而宦者惟澄樞一人今按西塔無沙門題名東塔宦官又止李托無澄樞名則金石畧亦誤也

梁廷枏南漢文字畧

蘭修按右塔銘後題銜通志與金石萃編互異今據拓本著錄舊志丁下是卯字相下是輪字龍下是躬字今已缺使舊志作底則誤也題名多剝蝕南面東隅所書官階有軍容字

金石文跋尾作軍營誤

陽宮使秀字華

宮使字使宮闈字番點檢字上將軍行內字開國伯食邑七百戶字考宋史李托傳中宗襲位選內侍省充宮闈諸衛押番兼秀華宮使後主立改玩華宮使

內侍監列聖景陽二宮使雲門山碑李托書銜稱列  
聖宮使甘泉宮使秀華宮使玩華宮使開府儀同三  
司行內侍監上柱國並與此結銜相合通志謂監造  
者卽托是也陽宮上缺景字秀下缺華宮使玩四字  
宮闈下番點檢上缺諸衛押三字行內下缺侍監二  
字均可據宋史托傳以補之其封爵食邑則托傳所  
未及也沙門題銜者四人臣字下名皆剝落惟北面  
西隅臣下有道字可辨舊志臣下皆作監造二字非  
也

懿陵碑

佚

陵山劉氏之墓也在郡東北二十里漫山皆荔子樹龜

跌石獸厯厯具存昔有發其墓者其中皆以鐵鑄之予嘗至此地摩挲斷碑不見始末但見其詞皆是莽婦人墓誌考之偽史疑是懿陵也他尚有數處如南海縣宣風鄉及番禺黃陂新會上臺玉環了髻山等皆有之

方信

孺南海

百詠

天華宮石刻

佚

天華宮在羅浮山之西南漢主建有甘露羽蓋等亭雲

華閣命中書舍人鍾有章作記

蘇軾東坡集

天華宮故址左為含陽門右為起雲門刻石猶存萬厯

戊子歐大任猶及見之

宋廣業羅浮山志會編

瑞像記

佚



偽劉時僧惠進作瑞像記立於中閣院殿側

輿地紀勝

蘭修按中閣院在羅浮山輿地紀勝云隋開皇中龍

天華寺僧惠善發其地得銅瑞相一軀後建中閣院以

華奉安之

碧虛觀碑

佚

菖蒲觀在蒲澗東今名碧虛中有劉氏碑東坡題名其

上

南海百詠

韜真觀碑

佚

出白沙洞而西左右皆小峯相對山北平疇孤烟落照

茅茨篁竹間始有人居曰道村其東南諸峯間見層出

寒松古樾蒼鬱杳藹有洞掩映其間曰韜真觀中有石

碣記南漢時中官陳君所經營及今近二百年醮場道  
院故址盡沒榛莽左右二石室其深四五尋其一狹而  
長捫壁度穴直抵玉虛洞後山而出讀其碣云巖洞多  
嵌空或深數尺遂積土以實之予陋之曰凡石以嵌空  
爲奇政欲空所有安可實所無哉

吳元美  
十洞記

韜真觀在北流縣東北句漏山南漢時建

明一  
統志

嶺南碑在州城東北山南對觀音寺  
 刻於唐高宗永徽元年  
 碑文曰  
 唐高宗皇帝  
 永徽元年  
 刻於嶺南  
 碑在州城東北山南對觀音寺  
 刻於唐高宗永徽元年  
 碑文曰  
 唐高宗皇帝  
 永徽元年  
 刻於嶺南

南漢金石志卷二

譚瑩玉生覆校

右南漢金石志二卷 國朝嘉應吳蘭修石華撰按翁氏  
粵東金石略謂竹垞記劉龔冢碑事與王文簡皇華紀聞  
頗有錯互竹垞稱陳元孝語予云云則是竹垞既得自口  
傳而元孝復出自記憶無怪乎傳聞異詞矣文簡亦曾晤  
元孝者竊疑亦得自元孝口傳也考蓮鬚閣集有弔南漢  
劉氏墓賦觀劉氏冢記紀康陵碑其最古者則元孝所記  
憶其又黎忠愍語乎其錯互也宜矣又南海百詠謂陵山  
劉氏之墓也龜趺石獸厯厯具存昔有發其墓者其中皆  
以鐵鑄之嘗至其地摩挲斷碑不見始末見其詞皆是葬  
婦人墓志考之僞史疑是懿陵也則僞劉亦踵曹瞞疑冢  
故智耶又南海縣志金石略有南漢陔羅尼石幢口和三



年太歲乙巳二月□□日□□□□□□陳十八郎敬□造  
乙巳爲南漢主劉晟乾和三年此幢末紀年和字上當是  
乾字石在吳氏筠清館又池北偶談載南粵陸漢東卿孝  
廉有小硯是南漢劉鋹宮中物有鋹宮人離非女子篆硯  
銘孝廉死子幼此硯不知流落何所云云似均當補入又  
金石以款識爲重此古今通例故劉氏銅像鐵柱並見南  
海百詠均不錄然考恭巖札記謂元妙觀西院功德林有  
僞南漢主劉鋹及二子銅鑄像狀豪惡可憎俗稱番鬼是  
也又謂大城旣克僞官咸遁藩庫吏胥竊庫鑰而逃百計  
啓庫鍵不可闢雖礮石攻之弗得蓋庫門有雙鐵柱係僞  
南漢時故物後懸賞購鑰有南海潘麥陳三姓赴轅投獻

兩王悅厚賞之令三姓世爲庫吏至今不替則現存而眾  
著者恐宜援阮通志金石略例附載銅鼓銅柱而並錄之  
也鐵柱阮通志已附載道光庚戌竹醉日南海伍崇曜謹  
跋